



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Detectio Nvgarvm Lvtheri, Cvm Declaratione Veritatis
Catholicae, Et Confvtatione Dogmatvm Lvtheranorvm**

Bundere, Jan van den

Louanij, 1551

De oratione & horis canonicis. cap. xxxi.

urn:nbn:de:hbz:466:1-35621

DE ORATIONE ET

De oratione & horis canonicis .

CAP. XXXI.

PHILOMA. Audisti ne aliquando quæ-
lia Lutherus in concionibus publicis de
oratione effutierit ?

ORTHO. Nunquam , Sed tu narra
si quid habes memorabile .

PHILOM. Frequenter cum inter loquen-
dum efferuesceret Lutherus ait. Quid orare ?
Quid orare ? Orando parum efficies coram
Deo, ad hoc citabat verba Christi Math. 6. &
23. vbi Dominus reprobatur orationes Pharisæ-
orum . Et Ioan. 4. vbi Samaritanorum orati-
onem reprehendit. Et illud psal. Oratio eo-
rum fiat illis in peccatum, hic clamabat sep-
tem horas canonicas non magis Deo gratas
quàm asinum rudere, vel infantem vagire, hic
reiecit laicorum consuetas preces, hic nihil esse
boni in cunctis libellis precatorijs, hic nulla
recipienda erat oratio præterquàm pater no-
ster . Quàmuis & ea oratio cum ceteris in dis-
suetudinem abierit . Hic brevis debuit esse
oratio , si omnino orandū est quia Deus oris
preces non curat, hæc impingit ei Vvicelius.
Clamavit etiam in publica concione Erfor-
diæ . Vnus peregrinatur, alter ieiunat aut o-
rat &cæ . Eiusmodi opera nihil prorsus sunt
quæ

quæ funditùs destrui oportet .

ORTHO. Hoc vnum spectasse videtur Lutherus vt ecclesiasticos ritus ac sacra omnia labefactet, populoq; persuasum habeat sacerdotes & monachos genus esse iners ac inutile. Vtinã potius huc intendisset nervos suos, vt diuina cū maiori exoluerentur reuerētia & maturitate: vt preces nostras puriores corā Deo effunderemus, cum maiori ardore & alacritate. Quod si fecisset nemo non fassurus esset Lutherum de christiana religione quàm optime meritum . Sed eum religionem suppeditantē ac sacras ceremonias dilaniantem quis æquo feret animo ? Istud non est mederi aut opem ferre ecclesiæ nutanti, sed potius extinguere & pessundare . Nullam puto esse gentem tam barbaram quæ non oret, quæ non habeat peculiare ac certas quasdam preces . Precantur idola sua pagani ac suppliciter venerantur . Idē faciunt Iudæi, Dei veri cultores, suis sacrificijs legalibus. Et christianis non licebit quod licet Turcis idololatri ac Iudæis ? Toti nãq; à Deo pēdemus indigi illius auxiliatricis gratiæ. Nō enim teste Paulo sufficiētes sumus ^{2. Cor. 3.} cogitare aliquid à nobis. Quid ergo de opere dicemus ? Cum enim ignoremus quid agere ^{2. Para. 20} debeamus, hoc solum residui habemus vt oculos nostros dirigamus ad te ait Iosaphat .

M ij Ille

dua commendatur in euangelio, quòd nò re- Luc. 2.
 cedebat de templo, ieiunijs & obsecrationi-
 bus seruiens nocte ac die. Nunquid hi aut pri-
 mores patres orantes orationem dominicam
 recitabant quam Christus nondum ediderat?
 Non igitur opus est certas orationes præscri-
 bere, vt ab his discedere nephas sit. Precabi-
 tur quisque vti spiritus ei suggesserit. Porro
 tam breues factæ sunt Lutheranorū preces,
 vt sint paucissimi qui vel semel in hebdoma-
 da ad precandum accedant, immo tam ra-
 ra est quibusdam supplicatio, vt iam etiam o-
 ratio dominica abierit in obliuionem, perin-
 de ac si christiani esse desierint.

PHILOMATHES Mirè sibi placet Lu-
 therus quòd doctrina tam auidè à quibusdam
 imbibita sit sacerdotibus & monachis, quòd
 pulchrè didicerint omittere & neglectui ha-
 bere horas canonicas. Nam Dominus ait in
 oratione. Nolite multum loqui sicut ethnici matth. 6.
faciunt. Putant enim quòd in multiloquio
 suo exaudiantur.

ORTHODOXVS Non reprehendit Chri-
 stus prolixam orationem. Nam & ipse factus Luc. 22.
in agonia prolixius orauit. Sed eos qui proli-
 xè orant voce, cor autem eorum longè est à
 Deo. Qui dant sine mente sonum. Nam
 continuè & frequentes preces Deo sunt ac-

M iij ceptissi-

DE ORATIONE ET

ceptissimæ modò ab ardenti proficiscatur deo
 siderio, quod declarant scripturæ varia testi-
 monia. Septies inquit David laudem dixi tibi
 in die, Anna prophetissa commédatur quia
 non discedebat à templo, nocte ac die orati-
 onibus vacans. Ibant quoque apostoli in tem-
 plum ad horam orationis nonam. Et Petrus
 ascendit in superiora domus, vt oraret circa
 horam sextam, De Cornelio ibidem dicitur
 quòd orationes eius & eleemosynę ascende-
 runt in memoriam in conspectu Dei. Et Pau-
 lus ait, sine intermissione orate. Et Saluator,
 oportet semper orare & non deficere.

Luc. 20

Act. 3.

Act. 10.

1. Theff. 5.

Luc. 18.

PHILOMATHES Non intelligo quomo-
 do semper & sine intermissione orandum sit,
 vt docet Paulus & Christus. Licebit ne come-
 dere aut dormire? Et quo pacto tunc orabit?

ORTHODOXVS Huic respondit qui-
 dam patrum olim, Eleemosynam do inquit,
 & illa me comedente aut dormiente orat pro
 me, iuxta illud, Còclude eleemosynam in sinu
 pauperis & illa orat pro vobis. Ob hoc
 principes opulenti erexere collegia, struxere
 cœnobia, multimodis impensis, vt ipsis seculi
 negocijs ac prophanis deditis monachi & sa-
 cerdotes pro eis apud dominum intercedant
 ac ipsum laudent. Sic filijs inter se conui-
 vantibus Iob sacrificium obtulit & sanctifica-
 bat

Eccle. 19

Iob. 1.

bat eos: dicebat enim, Ne fortè peccauerint filij mei & cę. At Lutherani cupiūt exilio dānatas diuinas laudes, precesq; supplices, vt sequiat in nos vindex ira Dei, quæ supplici precere restringi consuevit. = Ez. 22

Doctrina Lutheri sepultas hęreses resuscitauit. CAP. XXXII.

PHILOMATHES Credo te reminisci quòd nuper dixeris doctrinam Lutheri virtutum eradicationem, diuini cultus ruinā, potestatis ecclesię exterminium, vitiorū nutricem, omniū malorū Germanię facē & originē ac hęresū veterū instaurationē. **ORTHO.** Dixi. Et mecū sentient quicunq; superiores has disputationes legerint. In quibus clarè me tradidisse opinor, quantā religioni christiāne iacturam Lutherus inuexerit. Quid enim docet nisi impijssima, contendēs solam fidē iustificare & saluare, Deū non curare bona nostra opera, si modo adsit fides, & tam diuitem esse hominem christianum vt nullum peccatum eum damnet, modò credat aut cogitet se baptizatum?

PHILOMATHES Quid Zuuinglio respondebis qui solos infideles malos appellat, propterea quòd operum bonorum non egemus apud Deum sed apud homines tantum?

M iij

Ortho